



**Quæstionum Canonicarum, In Quinque Libros  
Decretalium, Tomus ...**

In Librum I. Decretrialium, Per quadraginta, & tres Titulos distributum, in  
quo agitur De Constitutionibus, Seu Legibus universim ...

**Krimer, Ferdinand**

**Augustæ Vindelicorum, 1706**

Articulus IV. Qui transferri possint de una in aliam Ecclesiam?

---

[urn:nbn:de:hbz:466:1-73031](#)

2043. Quæstio est 3. an habens privilegium transcundi ad *majorem Ecclesiam*, vi ejus transire possit ad *minorem*, vel *parem*? *R.* negativè ex c. licet, §. hoc autem, h. t. quia, cum tale privilegium sit contra *jus commune*, strictam interpretationem habere debet, nec extendi ultra expressa; 2. quia privilegium *ad majorem* fundatur in majori utilitate illius Ecclesiæ, quæ in minori non reperitur c. 1. h. t. junct. gloss. ult. V. ad *parem*. Et ideo, cum, ut habetur in dict. c. licet, & hoc autem, Episcopus Hildesheimensis argueretur, quod temere, ac authoritate propria ad Herbipolensem Ecclesiam transiverit, & facti excusationem afferret, quod ab antecessore Innocentio gratiam acceperit, ut, si forte contingat, cum ad *majorem* dignitatem vocari, illam assumere liceret, dummodo nihil obstaret, quod Canonicis institutionis contrarium foret, hanc excusationem rejicit Innoc. ob duas causas: Prima est; quia tametsi potestas concessa fuerit transcundi ad dignitatem *majorem* (*cujusmodi dispensatio propter majorem utilitatem faciliter concedi solet*) non tamen inde consequens est, quod vi illius dispensationis transire potuerit *ad parem*, videlicet *similem dignitatem* Episcopalem: altera tametsi ponamus, dispensationem illam se extendisse ad Episcopalem aliam dignitatem; quia tamen postulatio, sicut & electio, prius examinari debet, imo in dispensatione illa Apostolica non tantum postulationis, sed etiam personæ postulatae inquisitio, & examen reservatum esse videtur, per verba illa (*dummodo nihil Canonicis obviet institutionis*) ideo dictus Episcopus Hildesheimensis, Ecclesiam Herbipolensem, antequam postulatio ejus examinata fuerat ab eo, ad quem pertinebat, transire haud potuerit.

2044. Ex hoc colliges, translationem non posse fieri ad quamlibet Ecclesiam. Ratio sumitur ex præced. num. quare quoties translationem suadet Ecclesiæ necessitas, vel utilitas (aliter enim fieri non debet) facienda est *ad majorem*, *non minorem*, c. 1. de Cleric. non resid. nec ad *parem*, seu *äqualem*; cum hoc minus deceat, & nulla subsit utilitas Ecclesiæ hoc suadens, c. 1. h. tit. Colliges præterea, translationem fieri tribus modis 1. interveniente *postulatione* (ut si quis transferatur ad præfectu-

ram electivam) 2. *collatione non libera*, scilicet ad alterius nominationem, vel præsentationem. 3. *collatione libera*, nimirum sine electione, vel præsentatione; & si fiat collatione non libera, intervenire debere *absolutionem à vinculo prioris Ecclesiæ*, & facultatem transcundi ad alteram Ecclesiam; sic Hostiensis in *summa his n. 3.*

## ARTICULUS IV.

*Qui transferri possint de una in aliam Ecclesiam?*

A Nte resolut. not. non semper fieri posse dissolutionem vinculi ab eo, qui ligavit, saltem in spiritualibus. Nam Episcopus solus alicui ordinem conferre potest; sed solus auferre, seu degradare non potest, juxta c. 2. de *pensis* in 6. sed & Eiscopi à Metropolitanis consecrantur: cum tamen non possint deponi, nisi à Rom. Pontifice, ex hoc fit, quod, licet Episcopus sua voluntate libera, cum Ecclesia, ad quam assumitur, contrahat vinculum spiritualis matrimonij; tamen illud libera voluntate sua solvere non possit, renuntiando, vel transeundo ad aliam Ecclesiam; sed fieri hoc debere authoritate summi Pontificis, ut dictum est. Et quamvis hoc etiam videatur excedere humanam potestatem, ut colligi videtur ex illis verbis in textu cap. *inter corporalia*. 2. h. t. ibi: *non enim humana, sed potius divina potestate conjugium spirituale dissolvitur*; id tamen intelligendum venit juxta dicta num. 2037. & descendenda in seqq.

Nam ad hoc ipsum respondet Innocentius cit. c. 2. quando Pontifices Episcoporum translationes, aut depositiones faciunt, & renuntiationes admittunt, non fieri potestate *merè humana*, sed potius *divina*, nimirum divinitus immediatè concessa Vicario Christi; nec tamen per potestatem ipsi à Conciliorum Canonibus concessam, quam ex Christi institutione, & privilegio, quod Petro, & Successoribus concessum est. Hinc valde probabiliter dici potest, ibi supremam Pontificis potestatem non humanam, sed *divinam* dici; quia immediatè provenit non ab hominibus, sed à Deo ex Christi promissione, Math. 16. Joann. Ult. Quo etiam sensu Apostolicæ traditiones v. g. jejunium quadragesimale, admixtio aquæ ad vinum con-

consecrandum, interdum à Patribus vocantur *divina mandata*; quia etiam Apostolicorum decernendi potestas immediate à Christo provenit.

<sup>1046.</sup> Hinc quoniam Episcopus, etiam confirmatus, cum Ecclesia sua spiritualis conjugij vinculum contrahit, non nisi summi Pontificis autoritate illud solvi poterit, quantumvis ad aliam Ecclesiam postuletur (eligibilis enim ad aliam non est) vel renuntiare contendat, aut transire ad aliam; & quamvis nullibi cautum reperiatur de *Episcopo non consecrato*, quod absque summi Pontificis voluntate suam Ecclesiam deserere non possit: respondet tamen Innocentius, ut liquet ex textu c. 2. h. t. *idem de similibus*, propter expressam rationis identitatem, judicium esse oportere: atqui Episcopus *consecratus*, ideo sine licentia Papæ Ecclesiam relinquere non potest, *quia cum ipso spirituale matrimonium contractum est*, quæ ratio etiam procedit in electo post acceptam confirmationem. Cùm consecratio Episcopalis nihil addat ad vinculum erga Ecclesiam contratum.

<sup>1047.</sup> Neque dicas: si piùs à nobis in prædictis, rejectam esse regulam communiter alijs usurpari solitam, qua dicitur, *ubi est eadem ratio, ibi esse eandem juris dispositionem*; & quod in uno dispositum est, censi etiam dispositum in altero, ubi est identitatis ratio; ergo hæc solutio data non valeret; & enim, dictam regulam, seu potius brocardicum à nobis non esse reiectum indefinitè, ac universaliter, sed solum limitandum, ut non procedat indefinitè, ut *in penalibus, & odiosis*; procedere tamen, ubi ratio communis pluribus necessaria est relata ad contenta sub termino communi, ut diximus titulo 2. sic, quando Titio negatur secundum conjugium, stante primo, ideo, *quia pluralitas uxorum extra dispensationem divinam illicita est*, concedimus propter identitatem rationis idem etiam negari Cajo, actu conjugato; *quia ratio polygamia necessario porrigitur ad omnes conjugatos*: cùm ergo etiam vinculum conjugij spiritualis æquè reperiatur in Episcopo confirmato, ac consecrato, & hæc necessariò, *stante lege Pontificia*, porrigit se ad omnes tali vinculo confirmatos, recte propter rationis identitatem idem dicitur de Episcopo solum confirmato, quod de

consecrato, per ordinem ad indissolubilitatem illius vinculi, seclusa summi Pontificis auctoritate.

<sup>1048.</sup> Si quis urgeat: quamdiu Ecclesia ma-

net viduata, non est inter ipsam, & Episcopum conjugij spiritualis vinculum; sed licet Episcopus ad eam sit legitimè electus, quamdiu tamen non est confirmatus, ea Ecclesia adhuc est viduata; ergo Episcopus ad eam legitimè electus, sed necdū confirmatus non habet spiritualis conjugij vinculum cum illa; ergo sine summi Pontificis auctoritate potest ab illa recedere. Major est ex c. quoniam, 1. dist. 300. ibi: per hoc, quod quidam Metropolitanus usum pallij neque expetunt, neque percipiunt, *Episcoporum consecrationem viduatis Ecclesijs non sine periculo protelantur*. & majorē esse veram, quamdiu Ecclesia simpliciter, non autem duntaxat secundum quid, & quoad aliquid, manet viduata; Episcopo autem ad aliquam Ecclesiam legitimè electo, & confirmato, sed nondum consecrato, dici *viduatam non simpliciter, sed secundum quid*, ut exposuimus supr. & in hoc sensu Ecclesijs dici *viduatæ* in easu dicti cap. quoniam, qualiter etiam *viduata* dicitur Ecclesia, quæ habet Episcopum consecratum, sed inutilē ad exercenda munia Episcopalia.

<sup>1049.</sup> Instabis: in eod. c. quoniam, habetur, quod Metropolitanus Episcopum, si ultra sex menses consecrationem petere neglegat, cogere possit, ut cedat Episcopatus; ergo Episcopus non consecratus vel nondum habet spirituale conjugium cum Ecclesia, quantumvis ejus ad eam electio confirmata sit; vel, si habet, vinculum eius non est insolubile ab alijs, & tantum solubile à solo Papa. & C. ant. N. conseq. 1. quia ibi non dicitur, *id posse Metropolitanum auctoritate sua*; cum expressè illi hoc committatur solum, ut *auctoritate Pontificis* in peccatum illi imponat cessionem, quod utique non sit sine auctoritate Papæ. Ex his patet responsio ad questionem initio propositam. Soli enim illi, qui cum Ecclesia sua habent spirituale conjugium, non possunt illam, sine summi Pontificis auctoritate deserere; hinc sequitur transferri posse à suis Ecclesijs Prælatos, non Episcopos, cum licentia proximi Superioris; cùm enim inter alios

Prælatos, & Ecclesiæ suas matrimonium spirituale non ita contrahi censeatur, sicut inter Episcopum, & Ecclesiæ suam, causa ista assignari debet, quia Sacri Canones non prohibent, illos ab Ecclesijs suis transferri; dummodo proximi Superioris licentia accedat.

## ARTICULUS V.

*De translationis effectu.*

2050.

**P**rimus translationis effectus est, dissolutio spiritualis vinculi cum priori Ecclesia c. 2. h. t. c. Bonæ 4. §. fin. de postul. Prælat. ibi: à vinculo, quo tenebatur, Colocensis Ecclesiæ absolventes. 2. quod novæ jungatur ea potestate, ac si eam alio provisionis modo acquisivisset 3. quod, consensu dato in translationem, prior Ecclesia vacet ipso jure, etiam ante acquisitionem novæ Ecclesiæ, ne sit Episcopus, seu sponsus duarum: inferiores autem Episcopo, promoti ad Episcopatum, priora beneficia retinent, donec possessionem, & plenum jus Episcopatus acquirant; sic Abbas consil. p. 2. Consil. 101. a. n. 3. Ex hoc deducitur, per translationem canonicam translato constitui novum jus in Ecclesia, ad quam transfertur, & extinqui in illo jus in Ecclesia, à qua transfertur; quod non continget, si retineret jus postliminij, relata ad reliquam.

Ad questionem porro, quando Episcopus translatus perdat alia jura prioris Ecclesiæ, responderet Barbosa in c. 1. h. t. n. 5. quod ab eo tempore, quo ab illius vinculo absolvitur in Consistorio suæ Sanctitatis, etiam ante expeditionem literarum Apostolicarum, vel adeptam possessionem secundæ Ecclesiæ, si habeat notitiam factæ absolutionis, etiam ex testimonio Secretarii Sacri Collegij.

2051.

Præter dicta, not. effectum translationis, propriè dictæ, solum in Episcopo locum habere; nam hi soli, non autem inferiores Prælati, habent vinculum spiritualis conjugij cum sua Ecclesia, cuius dissolutio effectus est translationis propriè dictæ, sine quo non possint effectum alterum, quo explicat certum modum perveniendi ad Prælaturam, quam in alijs præstare potest sine illo, ex c. fin. de postul. Præl.

Not. 2. translationem Episcoporum esse reservatam soli Sedi Apostolicæ. Nam causæ majores, in signum privilegij specialis Apostolicæ Romanæ Sedi reservatae sunt. c. quod translationem, 4. de offic. Legati c. majores 3. de Baptismo. Causæ autem majores, &c summo Pontifici specialiter reservatae sunt fermè istæ: *fidei controversias authenticè definire*, cit. c. majores, c. quoties, 12. causâ, 24. q. 1. Episcopos transferre, deponere, renuntiationes eorum admittere, c. 2. h. t. c. quamvis 7. causâ 3. q. 6. c. cùm pridem, de renuntiat. Generale Concilium congregare, c. 1. & 2. d. 17. Irregularitates, matrimonij impedimenta dirimentia statuere, in casibus reservatis dispensare, & absolvere, &c.

Et ideo, nec Legatus, etiam à latere, translationem Episcoporum facere potest, sine speciali mandato Papæ, ut colligitur ex c. Gratianum 2. de Postulat. Prælat. ibi: quod à te, de mandato nostro, factum; ex quibus verbis sequitur, quod Legatus Apostolicæ Sedis, ex speciali commissione, sive mandato, translationem Episcopi, ad aliam Sedem, instituere possit; non item, jure communii, tametsi Legatus à latere sit, uti constat ex c. nisi 3. & c. seq. de offic. Legati. Not. 4. translationem rectè, a honeste suum effectum fortiri, quoties fit à minori dignitate ad maiorem; ut, cùm Episcopus transfertur ad Ecclesiæ Metropolitanam, ut colligitur ex c. Bonæ 4. de postul. Prælat. juncta gloss. V. honestius; L. ut gradatim 11. ff. de majorib. & honorib. ob necessitatem vero, vel utilitatem, etiam ad dignitatem parem, v. g. ab uno Archi-Episcopatu ad alterum, prout factum est in casu cit. c. Bonæ, ubi Archi-Episcopus Colocensis ad Strigonensem postulatus, admissione summi Pontificis, translatus est.

Not. 5. Abbates, postquam semel benedicti sunt, ad alterius Monasterij Prælaturam translatos, non amplius, seu iterum debere benedici, ex communi doctrina, quam tradit Azor p. 1. l. 12. c. 20. q. 4. & Barbosa p. 2. de potest. Episcopi, allegat. 27. n. 51. secus Abbatissas, prout etiam cum Azor tradit Navarrus in Consil.

2. ad 1. q. de statu Monach. edit. 2.

\* \* \*

ARTI-